

小方壺齋

小方壺齋

雲南地畧

武進馬冠羣著

苴蘭城在雲南府北莊蹻築漢置穀昌縣因名穀昌城陳省 漢建始縣在雲南府西北晉永安二年分

建甯置益州郡治此永嘉末改晉甯郡梁時入蠻 益甯縣在雲南西唐置爲昆州治後省 元官渡縣

在雲南府東南後省 高曉關城在雲南府西雲津橋北俗名高橋與碧雞山對峙橋在城東銀核河本名大德 金

馬山在雲南府東西距碧雞山五十餘里有金馬關元至順二年攻禿堅戰于金馬山至正末萬勝攻雲

南梁王字羅走金馬山卽此碧雞山在雲南府西南滇池西有碧雞關 滇池在雲南城南一名昆明池又曰滇南澤滇海上

流爲積波池俗名草海子亦曰青草湖西湖合盤龍江黃龍溪諸水入池又西南由海口匯于廣赴塘入

金沙江元至元中張立道疏海口以洩滇池積潦明制歲濬滇池謂之海夫 伽橋在雲南西北元至順

初躍里迭水兀收復雲南擊敗賊于伽橋古壁中卽此

螳螂川在富民南源出滇池北經武定入金沙江晉大寧二年姚兵敗李遜于螳螂川卽此

扶邪城在羅次南南詔置

大甫城在晉甯南二十里元至正中置尋省 天女城在晉甯西晉大安中李穀女秀築 忽納寨在晉

甯西明初破曲靖瓦爾密走入忽納寨卽此

伽宗城在呈貢西大理段氏時上官伽宗所築因名 歸化縣在呈貢東南本名安江城以吳氏居此又

名大吳籠元至元中置縣本朝省

江東縣在安甯州東南 青龍城在安甯北舊蠻酋據險自守處 大井石井河中井大界井新井在安

甯西古阿甯地新井新設故舊稱四井 祿腰驛在安甯西一日祿腰地 驛宗籠城在祿豐東北驢宗

籠山上 顛哀城在祿豐南 蘭谷關在祿豐西入楚雄要道與六里箐並險峻

望水縣在昆陽西南唐武德置爲南龍州治貞觀改鉤州兼領唐封縣尋省 河西縣在昆陽河西鄉元

至元中置尋省 三泊縣在昆陽西北故那龍城元至元中置縣本朝省 三泊溪在縣西即望水鳴矣利資三河合流處下流入滇池

渠濫川在昆陽東南東北入滇池隋開皇中史萬歲自蜻蛉川至渠濫川破三千餘都卽此

祿益惡危山在易門西今名祿益山上有闕依主城故善闡邊戍地

金城在嵩明西南漢時築城南有諸葛武侯與夷誓盟臺元誓盟府以此名 邵甸城在嵩明西本名東

甸元初立所至元改縣明省 楊林城在嵩明東南本相斗車麼四蠻所居元初置羊林所至元改楊林

縣明成化省爲楊林驛有楊林澤周百餘里一名楊林海子羅逯澤嘉利澤 集興籠城在嵩明南南詔

時與葛籠蒙琮籠白籠同築

石城在曲靖北唐貞觀中南甯州督蠻歸居大厯中南詔置石城郡晉天祐二年段忠平借東方諸蠻兵

盟于石城卽此 漢味縣在曲靖西建興二年分益州地置建甯郡治此又爲庾隆督治晉泰始中置甯

州治梁省唐貞觀八年改南賓州爲郎州治味縣兼領同樂升麻同起新豐離場泉麻六縣天寶入蠻部

漢朱提 在曲靖東北建興中分犍爲置齊改南朱提郡梁省隋置恭州唐武德八年改曲州天寶末

陷入蠻 晉夜郎郡在曲靖東北漢夜郎縣故地永嘉五年置置隋改協州唐武德分置靖州天寶末陷入

蠻 悅州在曲靖南石堡山西唐武德中置領甘泉等縣後入蠻爲普麼部元至元改越州明洪武省爲

甯今名南城市 龍和城在曲靖西南唐開二爨地自昆川西輒晉甯喻獻安甯至龍和通名西爨白蠻

自彌鹿升麻二川南至步頭通名東爨黑蠻 丹川城在曲靖西晉咸康六年李壽攻拔升川卽此 紫

溪山在曲靖東南明洪武二十六年沐春討阿資至紫溪山直抵龍窩卽此 白石江在曲靖北源出馬

龍州又東南合瀟湘江明洪武十四年沐英乘霧抵白石江卽此今有白石江橋 白水關在曲靖東舊

爲白水蠻地唐永徽三年郎州白水蠻反是也

交水縣在霑益州南本摩彌部地名易陬籠元至元十三年置縣明永樂省天啟四年築

南松林城俱天啟四年築 羅山縣在霑益東南平夷鄉落蒙山下本摩彌部東境元置縣明永樂省石梁縣在霑

益東北石梁山下本五勒部地元置縣明永樂省盤江城在霑益南晉永嘉五年盤南蠻平分盤江南

如南零三縣置西平郡卽此霑益州在二盤江間北盤卽可渡河南盤即東山河一名中延澤一平郡地在州東 同里縣在霑益北漢置後省

壘水舖在霑益南天啟初永邦彥陷畢節平夷炎方松林圍營安伏兵壘水舖敗官軍卽此 倘塘驛在

霑益北昭通往來要地明天啟二年霑益土婦設科焚劫倘突炎方松林交水白水驛凡六站卽此

河納縣在陸涼南蔡村蒙氏置陸郎縣元至元改河納明永樂省 芳華縣在陸涼西部封山下本落溫

部地土名忻歪一名部封元至元改芳華明永樂省 鼈縣在陸涼北漢置以鼈水名梁省 附庫縣在

陸涼東南唐置爲蠻州治兼領平夷盤水二縣後入于蠻 西昌城在陸涼西南中延澤之尾

中洲上 騎思籠城 在洲南皆大理鎮

通泉縣在馬龍西南元初置易籠所至元十二年改通泉明初省 晉西安縣在馬龍東濟爲興古郡治

梁省又南有耶城尙贊城皆蠻酋築 麻州在馬龍北唐貞觀二十一年置後省 磨盤山在馬龍西北

明天啟五年安效良敗于磨盤山自尋甸遁走卽此 羅犴侯山在馬龍西北邊唐永徽二年白水蠻攻

郎州趙孝祖敗于羅犴侯山卽此 易龍堡在馬龍西南一名易龍驛亦曰木密關自堡經魯婆伽嶺下

板橋古城堡小關索嶺至楊林驛

東龍石城在羅平南明萬曆十二年者繼榮修東龍石城分兵四出攻劫卽此 亦佐縣在羅平北本夜

宜部地元置縣本朝省

方宜書也也麓沙

每一央

雲南地略二

南清河王氏鑄版

爲美縣在尋甸北本仁地故部元至元置縣明初省 歸厚縣在尋甸西本名易浪蒲龍元至元中置德
偉縣旋改歸厚明初省又西有九彎九層城在米花洗馬山下 安樂城在尋甸西南落龍雄山上土人
築 愆勤峰在尋甸東接霑益界上有沙必耶折瑞則干按羊怒勤納龜六寨 額吾峰在尋甸南上有
清水塘有額吾竹圭東那沙黑額峰五寨

曲江城在臨安北曲江上 段氏古城在臨安南瀘江鄉今爲無据寺址一在城西蓮花池 漢賁古縣
在臨安東南東晉省 漢勝休城在臨安南梁省 納更山寨在臨安東南舊有土巡司明嘉靖十二年
安南使人覬伺至莫更山被擒卽此

異龍湖在石屏東中有孟繼龍小末束和龍三島東流爲瀘江元至順初朱寶守和龍島拒禿堅島城漢
名水城

楊廣城在阿迷東南通安橋宋皇祐初楊文廣追儂智高屯兵處又一城在市平鋪一城在石頭寨 交
岡在阿迷南與交趾分界明天啟二年安效良入霑益抵交岡卽此 合江口寨在阿迷東盤江與眾水
合流處一名三江口宋皇祐初儂智高自合江口遁入大理卽此 多黃鋪在阿迷南自教化三部北行
經夜宜河管口教化河瑣羅城至頭山至多黃鋪入州治

西沙城在甯州東老寨後大管內土名西沙龍元至元置至治二年省 武侯城在甯州東三里今名辛
州古城

秀山在通海南一名青山下有長河土名海子一名通海湖杞麓湖宋開禧初段智祥建啟祥宮于山上
出蛇關在河西北蒙氏置一曰萬松營元至元中立元帥府明初省

筇洲縣在嶲峨西北元初置後省縣舊有筇洲洞因名

蓮花潭在蒙自南瀾滄江下流交趾洮江之上流至安南東都五日程爲入安南要道明永樂初沐晟出蒙自蓮花灘入安南 大窩關在蒙自西南一曰大窩子地極險又東南曰打巫白箐又南曰矣各母渡江至勒古薄入交趾界 八寨在蒙自南自老寨露結箐灑哈至八寨又南至江底猛撒箐渡江卽交趾者蘭州 賀謎寨在蒙自東南山極多中曰慢老左曰磨莫右曰八灑俱近安邊江自泥底渡三岔河至賀謎又南至江底江南爲籠陰山入交趾界

鈴羊洞在納樓北中產礦舊有中場營黃摩柯三場今封閉

西古城在澂江西元置 陽宗縣在澂江東北明湖南本強宗部地元至元置縣本朝省 黑相城在澂

江東北土名輸納龍 羅藏山在澂江北十里漢時名裴山元名梁山山南有泉爲羅藏溪入撫德湖北

有泉爲錦溪西有泉爲彌勒石溪下流俱入明湖明初破曲靖梁王走入羅藏山卽此 撫仙湖一名羅伽一名清魚戲月湖

在府南東入盤江明湖一名吏休湖陽宗湖 基坪山在澂江東北一作寨和山上有廢屯名梁王屯

雙龍縣在江川北卽故部椿城元置縣今名雙龍鄉

研和縣在新興州南本古麼些徒蠻部地元至元置縣又南有昌人城西南有祿匡城俱漢置後省 元

畔龍縣在新興西至元置後省又西有古城北有黑村馬橋二城俱元置後省 白城在新興西北故

部勞普舍二城西漢時築 普舍縣土名普札籠在新興北元置縣明初省

邑市縣在路南東北元至元分邑市彌孟二城置明初省 彌沙縣在路南東南元至元分彌沙等五城

置後省又東南有漢河頭城 達子城在路南東自曲靖至廣西州互三百里土名底伯廬

元維摩城在廣西東南本朝省 法土竜城在廣西南蠻入置又南有邱北城三鄉城明萬厯中築 大

維摩山在廣西東南舊土官皆居此稍北有小維摩山 矣邦池在廣西西南一名龍甸海乾海有一源

一出阿廬山一出彌勒州吉雙鄉南入盤江明宏治十二年李韶言府有乾海水利可開屯田是也

龜山在師宗西南明萬曆末築土城其上名督捕城

卜籠山在彌勒南舊部籠部所治此 阿欲山在彌勒西舊阿欲部所治此

元富州在廣南東至元中置本朝省又東北爲元羅佐州明初省 安甯州在廣南西南元置明初省

牛羊菁在開化南與交趾接壤自枯木菁南歷斗嘴三關又南卽牛羊菁 木底河菁在開化東南又梭

羅洞鎖狸城洞黑打洞弄弄山菁俱設險處

馬鞍山在東川西南十里舊時府治此

周泥站在昭通東南自烏撒站歷五甸站黑章站至周泥站一百八十里一名周泥驛元至順初擊烏蒙酋祿余自永甯進陳泥驛卽此

芒布城在鎮雄西南明洪武中鄭祥駐兵芒布築土爲城卽此 阿赫關在鎮雄南明洪武建

步日城在元江西蒙氏築名步日驗元爲步日部明初省 奉化州在元江西南又西南爲恭順州明置後省 魚復

寨在元江西近繩沅界明嘉靖三十年攻那鑑克魚復寨卽此

明新化城在新平西北本馬龍他郎二甸地元至元置馬郎部所明宏治置州 馬龍山在新平西舊名

馬籠蠻酋駐此名馬籠部 摩沙勒江在新平西北卽馬龍江一名鹿滄江至元江境爲禮社江之上源

馬龍諸山在江右迤阻諸山在江左夾峙如峽狀元至元中平緬結寨馬龍他郎甸之摩沙勒明洪武二

十一年思翁發結寨于摩沙勒

富民縣在楚雄東又東爲淨樂縣俱元至元中置後省 呂閣驛在楚雄西古名合關離元至正末梁王

孛羅擊敗萬勝于關離又段功進兵至呂合敗明玉珍于關離江迨至古田寺回蹙關七星關是也今有

呂合驛

高登山在廣通東一名鹽倉山元置鹽司今廢 捨資河在廣通東源出武定府東經南安元江入交趾

有舍資司舍資驛阿陋井猴井俱在舍資村中產鹽自祿豐經窩石飽南平坡六里背響水橋響水舖至舍資驛又經十八灣坡清川橋至路甸驛

南甯城在定遠南本名黃蓬奔元至元置縣尋省 會基山在定遠南上有關一名會溪關舊設戍守與

廣通接界 羅平關在定遠南訛為羅那關元至大二年梁王老的至羅那關殺大理將高遂

健林蒼山在南安東訛為阿姑娘山黑爨祖瓦戔吳居此

和子城在鎮南東唐上元中閣羅鳳侵東爨峨祿取和子城即此 石鼓城在鎮南東三十里石鼓山下

舊名雞和城閣羅鳳置石鼓縣元至元二十四年省 英武關在鎮南西一名鸚鵡關舊有巡司

瀘南縣在姚州東北唐垂拱置長城縣天寶更瀘南又南為唐長明縣天寶後同入南詔 澄川城在姚州東唐開元中置

後省 于異州在姚州東唐武德四年置姚州府領于異五陵宙和往舍利范鄧野共洪郎日南眉鄧逵

邁洛誥共十三州後悉省 東山在姚州東一名飽煙羅山山南有古城唐天寶初築以拒南詔 白鹽

井在姚州北有觀音井舊井界井中井灰井尾井白石谷井阿拜井小井共九井舊置鹽司明洪武中官

軍敗自久于白鹽井即此

髮州在大姚北天寶中入南詔岐星銅山二縣屬髮州俱天寶中入南詔 楊波縣在大姚東唐武德四年置哀州領楊波強

樂二縣後悉省 西豫州在大姚西北唐武德四年置貞觀三年改摩州領摩豫七部二縣又西曰利州唐武德四年

置貞觀改徵州領深利十部二縣後俱省 馬西縣在大姚北與髮州接唐武德四年置為尹州治兼領天池鹽泉甘泉涌泉

四縣 赤石厓在大姚西北接大理界明嘉靖中置通判駐守萬曆省 鐵索善在大姚西北險隘橫亘

千里明萬曆初討鐵索善力些夷七十二村悉平即此

南甸縣在武定東土名夷陬籠一名漢甸至元中置州本朝省 宗居縣在武定西北唐武德十一年置
爲西宋州治兼領石塔河西二縣後省 三臺山在武定西北明隆慶初鳳繼祖築砦臺山拒守卽此

元石舊縣在祿勸東本名掌鳩甸與法塊林捻曲蔽爲四甸至元中置縣明正德省 易籠縣在祿勸北

地名倍場元至元中置明初省 烏蒙山在祿勸東北與東川接壤一名江雲霧松外龍山一名絳雲霧

山又名松外北臨金沙江有烏龍泉下流爲烏龍河唐貞觀二十一年梁建方平松外諸蠻松外首領蒙

羽請入朝卽此

景董山在景東治西本蠻寨洪武中建衛城于山上 邦泰山在景東治東一名陶猛山土官世居其麓

蘭津橋在景東西南漢水平建明永樂修古稱巨險

案板山在鎮沅北元以名寨 者章硬寨在鎮沅西南明正統五年麓川酋屯孟羅大掠據者章硬寨卽

此

東河陽縣在大理府東晉永嘉中置爲東河陽郡治梁末省 勃弄縣在大理東百里一曰勃弄州本蠻

部唐貞觀中置匡州領勃弄匡州二縣後入于蠻 勃弄在弄棟西又西卽黃瓜葉榆西洱河隋開皇十七年史萬歲自詔始川經弄棟小勃弄大勃弄至南中渡

西洱海 史城在大理北隋開皇中史萬歲入南中過諸葛武侯碑屯師此地置唐大厯十四年異牟尋立

初遷史城卽此元初置喜州後省今名喜臉村 點蒼山在大理西龍骨龍尾兩關之間一曰靈鷲山雪

山蒙氏封爲中嶽唐天寶九年鮮于仲通帥至漾備江分軍自點蒼山西腹背攻太和城貞元十年韋臯

使崔佐時與異牟尋盟于點蒼山神祠是也點蒼山佛頂峰麓有金剛城南詔時築 西洱河出浪穹北

罷谷山合點倉十八川又西南會漾備江卽黑水伏流別自西北來會至大理城東爲洱河一名馮河榆

葉河榆水洱水洱海昆彌川唐武德四年韋仁壽循西洱河開地置七州十五縣梁建方平松外自巽州

奄至西洱河蠻酋楊盛及西洱河楊棟東洱河楊欽俱入朝 龍首關在大理北點蒼山背兩崖壁立若門一名上關城石門關又名河首關即唐時石門南道接四川清溪關名天威逕府南三十里有下關城一曰龍尾關河尾關自河尾順流而下有石門號河尾橋一名天橋石馬橋唐大寶中鮮於仲通下兵南溪石門道遂閉貞元中韋臯復治石門道由黎州出邛部直抵雲南晉天福二年段思平自石城起兵至河尾遂入關明初段玉自品甸分兵由洱水東趨上關自率眾夜由石門間度河出點蒼後緣巖上立旂平明抵下關拔大理城遂出上關略鶴慶麗江又出巨津州西石門關下金齒自上關外出石門北皆名天威逕

石門關在麗江西北

白崖城在趙州東南古彩雲城一名文案洞城漢建興中丞相亮斬雍闓于白崖州命龍祐那爲酋長乃于白崖山下築城蒙氏名白崖賧宋清祐中蒙古置白崖所元至元改建甯縣後省 安東城在趙州東蒙氏時安東將軍李專珠築 定西嶺在趙州南本名昆彌山明初平西侯沐英過此更名上有關波羅江出其下

唐匡川縣在雲南縣東南後省 雲平縣在雲南縣東晉咸甯五年置梁省 鏡州在雲南縣東唐置領夷郎等縣後省 安南陂在雲南縣東南土名小雲南自故鎮南州普淵驛經桃樹陂金雞廟孟獲著至安南坡舊有巡司 品甸陂在雲南縣西一名清子川甸唐初置陂州後省

甯北城在鄧川北蒙氏置唐貞元中異牟尋謀攻土番修澄川甯北等城是也 曾縣在鄧川東境唐武德置爲會州治兼領三部神泉龍亭長和四縣後省 鍾山在鄧川北唐開元中遷縣酋據大釐爲南詔所攻走鍾山自守即此 佛光砦在鄧川北三十里接浪穹佛光山漢建興中孟獲自豪猪洞被擒得縱還走佛光砦明初大理普顏篤據佛光砦先不華據鄧川是也

鳳羽縣在浪穹西南鳳羽山北蒙氏置元末省爲鳳羽鄉 安甯城在浪穹北蒙氏置唐大寶中何膺光定南詔安甯城及五鹽井復立銅柱是也又西北有石和城唐開元末施浪酋長據北以拒南詔 蓮花山在浪穹東北又北連蒙次和山故施浪詔居此山下名蒙次和村開元末南詔設三營于此宋寶祐三年元取大理置三營萬戶明洪武十五年藍玉攻拔三營萬戶是也 漾備江本漾備二水合流以名一名墨會江潯溪江黑惠江源出西番可跋海一云出劍川州之劍川湖南流至浪穹西羅坪山下有上江嘴下江嘴相去十五里又南合洱海入趙州名神莊江又南順甯山下合闕滄名順甯江唐景龍初土番以鐵絙梁樣備水通西洱蠻築城戍之卽此明置上下江嘴巡司 五鹽井在浪穹南名洛馬井石縫井河邊井石門井山井明洪武中置五井提舉又曰上五井

漢遂久縣在賓川東北金沙江北岸近古白果國故名白門

金龍湫在賓川西洱河東一名紅雀龍潭

引爲新渠東注楊梅谷溉田

在趙州乾海子者曰乾龍潭在鄧州鍾山寺
雞足石側者曰大龍潭與此爲大理三龍潭

漢比蘇縣在雲龍西晉咸和中爲西河郡治梁省

漢舊唐縣在雲龍南晉省

諸鄧鹽井在雲龍西北

有鹽大使兼轄石門井

大井在雲龍東南與山井天井井師井順邊井舊屬五井提舉萬曆末省

元通安州在麗江東本漢定蒼縣土名三賧漾渠頭唐改昆明縣元初置三賧所至元改通安州本朝省

元保山州在麗江東二百里本漢邪龍縣後入麼些部元至元置寶山縣十六年改州本朝省

蘭州

在麗江西南本漢博昌縣後入廬鹿部名羅眉川宋時大理置瀾滄部元至元置蘭州本朝省

巨津州在麗江西唐時羅婆九賧地元至元置巨津州本朝省

臨西縣在麗江西北土名羅哀間元至元置縣

明正統入蕃部名刺縹郡今爲他照和村

阿那山在麗江西南上有阿那和故寨

華馬山在麗江東

南本麼些詔所居自名花馬國宋寶祐中蒙古滅大理并破鐵橋之花馬國卽此 金沙江卽麗江出塔

城東共龍川犂牛石下本名犂水訛爲麗東南流環府城又東經鶴慶受漾其諸水又東經姚州受青蛉大姚龍蛟諸水又東經楚雄武定受龍川元謀西溪滇池螳螂諸水又東經東川滴慮部受尋甸牛瀾江谷壁川諸水又東合瀘水唐貞元五年南詔破土番于神川宋寶祐三年蒙古過大渡河至金沙江乘革囊濟大匱寨在麗江東與羅邦羅寺禰場下頭場當波羅場當將郎爲麼些部七寨宋寶祐初附蒙古置察罕忽魯罕寨鐵橋在麗江西北金沙江上故麼些九賧地唐天寶初南詔置以通土番貞元十年異牟尋破土番于神川取鐵橋十六城十五年土番襲南詔屯鐵橋卽此

副州木按州在鶴慶北俱元置明省

望德城在劍川南段氏築後爲水寨村又南十里爲唐羅魯城今爲瓦窰村 岷峨城在永北南蒙氏築今名岷峨村城東有岷峨海 元順州在永北東本名牛賧至元十五年置本朝省 蕩渠州在永北北本名羅共賧至元十六年置本朝省

瀘沽海在永甯土府東一名魯窟海子中有三島舊時土官築木寨于島上

不韋縣在永昌東北漢元鼎中通博南山置梁省 漢哀牢縣在永昌西牢山下永平中與博南縣同置

後省 金齒城在永昌西北邊瀾滄江西銀生崖旬元初置後徙治永昌城內 密堵城在永昌西南明

萬曆十五年緬酋陷密堵速松二城卽此 鳳溪司在永昌東鳳溪山西明洪武置 施甸司在永昌南

摩蒼山西段氏廣夷州元至元置石甸司訛爲施甸明萬曆十一年緬入姚關焚掠施甸是也 瀾滄江

一名鹿滄浪滄蘭倉出土番嗟和歌旬鹿石山南經麗江大理至永昌東北羅岷山下兩巖壁時一名博

南津漢建興初南征架橋濟師以索爲之元至元中名曰霽虹橋明宏治十四年鑄鐵索爲橋一曰瀾滄

橋 潞江一名怒江出土番雍望甸東南經永昌又南入海明正統三年麓川酋作亂斷潞江立柵以守

四年沐昂自潞江進抵隴把是也

清水關在永昌西北臥佛山西清水河上元置明設清水驛 天馬

關在永昌南邦欠山明萬歷二十一年陳用賓擊走緬人遂城天馬漢龍二關是也又有銅壁鐵壁虎踞馬面等關皆接緬境 沙木和在永昌東北沙木河上明置巡司及驛自永平經鐵楊坡花橋喻蒲蠻哨

一名蒲驛驛丁當丁山關至沙木和驛凡七亭

博南山在永平西南一名金浪顛訛爲丁當丁舊爲蒲蠻出沒之所山下有關花橋河出山北麓下流入

銀龍江

越甸縣在騰越東北元置後省 順江州在騰越南元至元置尋省 西源城在騰越西二里西山平原

中段氏置又西百里古勇甸有古湧縣元置尋省有古勇關 大盈江一名大車江出騰越西土番界南

入境合赤土山之馬色河龍窠山之高河羅生山之高盈場河南經南甸千巖合檳榔江又東南至隴川

合麓川江經孟養東境名金沙江入緬甸經江頭太公蒲甘諸城入南海爲西南境大川與東北境之金

沙江異流同名

龍川江卽麓川江出永昌東北峨昌蠻七藏甸經越甸至高黎共山北夾象石江南經南甸爲孟乃河又

經芒市合潞江入隴川合大盈江

夾象石在江東岸土名下江又東南近隴川爲上江明正統中征麓川自夾象石度下江徑抵上江賊巢卽此

鎮姚所城在

潞江司西老姚鳳山麓明萬歷十三年建

細甸故城在潞江司東南明正統中征麓川分兵從細甸取

孟定合木邦車里軍爲東路卽此 景罕寨在潞江司西南明洪武末破平蠻于南甸還降景罕寨復擊

破崆峒寨蠻正統二年破麓川賊于潞江西岸賊走景罕寨卽此

元平緬路在隴川司東北舊名驃賧羅必四莊小沙摩弄驃賧頭至元十三年置平緬路明洪武十七年

省 通西府在隴川司西南本蒙陽甸地元大德初置明省 沙壩在隴川南舊蠻人守險處明正統八

年再征麓川郭登守沙壩卽此又西爲栗柴壩

謀粘路在孟定東南元至元中置後省 景杏城在孟定東相近有馬援營 孟賴寨在孟定東南明正

統二年思任發犯景東孟定破孟賴寨卽此

南牙山在南甸南官道經其下夷人據以爲險明正統八年再征麓川開南牙山斷賊走路是也山下有泉合小梁河名南牙江 羅卜思莊在南甸南明萬曆三年木邦西襲陷千崖守備退保羅卜思莊卽

此又西南有囊宋盪西兩地

南賧在千崖西北本阿寨賧牛真賧地元至元十五年置南賧元志金齒司領柔遠芒施龍康鎮西平緬

麓川六路及南賧是也明初省

箐口新城在蒙化東北一名蒙化箐口 元定邊縣在蒙化東南本名南澗至元中置縣本朝省 螺盤

山在蒙化東上有自普關 龍吁圖山在蒙化西北唐貞觀中蒙氏自巍山徙居此高宗時授巍州刺史

遂建城山上名龍吁圖城自稱蒙古詔

慶甸縣在順甯東稍北元大厯九年置明洪武初省 右甸城在順甯西南矣洛十三寨中右甸川西山

麓明萬曆三十年築 把邊山在順甯南兩山對立中通窄徑上有把邊關 牛街驛在順甯北邊溪江

上路通蒙化與順甯觀音水井錫鉛右甸枯河爲六驛舊置土驛丞

小徹里在普洱東本車里別部 普洱山在普洱北府以山名山旁有光山舊爲車里頭目所居自景東

廳經者樂甸鎮沅達車里至普洱山凡七日程 谷寶江在普洱北自遮邁甸南至境一名威遠江明正

統中思任發走威遠刁蓋敗之威遠江卽此 八百土司在普洱西南

貴州地略

武進馬冠羣著

章龍縣在貴陽府北廿里元至元中與章龍州同置後省又北廿里爲元璽蓬縣今爲璽蓬堡 洪邊州在貴陽府北八里元置後省 乖西府在貴陽府北八十里乖西山下本名大乖西元皇慶初置 大羅州在貴陽南俗名大羅街又南有小羅縣俗名爾溪街俱元置尋省 骨龍司在貴陽北六十里高橋司在貴陽北百六十里底窩紫江司在貴陽東北百五十里曾竹司在貴陽西北八十里俱元置 木閣箐山在貴陽西北有道通畢節大定上有龍潭 石門山在貴陽東山頂二石對峙如門唐志牂牁有高連石門二山是也 烏江在貴陽北源出黔西州與遵義分界北岸有烏江關 陸廣河在貴陽西北源出苗疆爲三水江上源有水口岩江口西岸有陸廣司城明天啟初討水西賊屯陸廣以偁之卽此 墨特川在貴陽西北元大德五年大破宋隆濟于墨特川卽此 蔡家關一名響水關在貴陽西北五里又西北有闊水關明洪武卅年征水西破闊水進克宋那革賈母龍等關是也 青巖堡在貴陽南青巖下明天啟初安邦彥使其黨督四十八莊兵圍青巖卽此四十八莊亦名四十八馬頭 龍場驛在貴陽西北五十五里明洪武中奢香開貴州東北赤水烏撒道以通烏蒙立龍場九驛卽此龍場西北爲平壩驛又西北爲水西驛卽陸廣驛又西北爲奢香驛金雞驛開雅驛歸化驛畢節驛龍場東南爲威清驛 璽城司在貴定西南元置明初省洪武廿三年置璽城關 有璽城洞出故平伐司界下流入清水江 璽城堡在龍里西又西爲高岩明天啟三年克龍里破蓮花堡燒上中下三牌賊皆進奪高岩七里街是也

定遠府在定番南元置領桑州等五州朝宗等十一縣明省 都泥江一名牂牁江又名剛水濠水出定番西北亂山中名濠潭南流經破蠶入廣西南丹州 木官里在定番南百四十里元木當司地明改置